



豐對樓詩選目錄卷第三十三

七言律詩

聞馮子喬訃哭之

輓錢內君陸媛

七夕阻風泖浦東長卿明府開之吉士

再贈長卿明府

值穎上遲茂弘秀才

同劉侍御子威汎湖登吳山

海曙樓為潘伯子伯明侍御題

贈顧符卿

過露香園即事

燕秦侍御少悅宅

賦得歸雁留別屠青浦

谷彭欽之見訪青浦署中之作

冬日集范太僕于中嘯園同龔給事善父方山

人同叔馮山人子潛張比部谷吹陳太史伯

求盛吏部明輔王山人世周分寒字

和范太僕冠字

和龔給事章字

和袁長史花字

和陳太史秋字

和張比部才字

和蔣生南字

集彭欽之齋中同袁履善徐長孺郁孟野分春

字

喜莫廷韓歸自燕都分歸字

贈沈稚休

贈夏有之秀才

過訪姚成之適北赴南宮賦別

王世周以長篇見貽予讀之爽然自失不勝喜

矣會倉卒未及答聊短述見意

雨集張比部谷吹山堂分江字

馮開之約遊湖上久之不至嘲之

吳歸仲初鄭朗見過鄭朗復以詩來和之

庚辰元日試筆

呂心文客舍晚集分花字

贈汪參軍

哭柴方伯有序

柴方伯以諛罷官賦此寄慰

范司馬宅賞花

錢唐湖上值宣城沈君典

萬曆庚辰又四月四日宣城沈君典就李馮次公及其子開之華亭莫廷韓崑山沈獻可集屠長卿青浦署中分韻余得山字

五日復同諸君汎舟青溪郭外沈莫二子辭去復有彭生欽之徐生孟孺分遲字

秦侍御少悅當萬曆庚辰歲中秋日為六十旦辰賦詩賀之

臥病白園辱郭司馬舜舉見贈賦荅

奉贈舜舉司馬一首

和荅新安詹孝廉東園見寄

七月二十五夜雨作是年旱甚五月至是日始小雨十八日乃白露節蓋四月閏故耳諺云白露根白米穀難得

王受吾從薊州還携戚將軍書至賦之

再過凌上卿有贈 過雲隱菴訪魁上人

辛巳元日 二月作

恒寒

訪開之拙園書其秋水亭

五柳莊為吕心文作

友人宦百粵而不歸者賦此傷之

送高象南太守赴慶遠

水上聞琵琶

夏日過錢功父其内子烹伏雌飯我因賦謝功

父亦自有作

約新月時入山訪周公瑕會風雨且病不果

與定光寺慈源林上人

和傅吳縣伯俊示顧尉董園之作

寄題太山孔子登臨處

秋夜述懷同伯俊

寄壽四十二弟春江君六十生朝先重九一日

送顧益卿叅議分守温處

輓左山先生

十四夜與傅侯傳園對月是日秋分

辱鄧山人以滿城風雨近重陽為起句投贈仍

用奉答

伯復從京師還被以儒官冠服相值無錫慧泉

之上因有此贈

暇日東窓友華氏德卿何氏仁里

竹茶鑪詩追和王舍人孟端韻

冬日箕仲初還承汪長文李之文之抑葉虞叔

携罇見訪作

辛巳臘月二十四日李賓父續婚劉氏蓋三聚

矣因賦此詩寄之

擬應制題玄兔圖

楊侯枉臨不敢報謁賦此申謝

會稽陶比部懋中見訪有贈時從補陀洛迦山

來

歛汪仲淹與從子象仙東陽方翁恬訪余叔姪

雨過有作

李臨淮守備留都奉寄

朱建陽席上感賦用來韻

送徐孟孺應金陵秋賦

顧汝修鴻臚請改留都復得與告乃今蕭然林

壑自謂聖恩浩蕩報稱未能因有此贈

寄友人為園

赴傅伯俊約用其喜予再過韻

輓王玉田徵君

傅大夫種柏篇

七月十七夜金昌沅月與伯俊明府聯句是夕
望

訪王沅州玄靜用壁間傅明府韻

天池山似毛豹孫

九月八日值歸安吳允兆即將去歸贈別

九日風雨沅舟

九日風雨阻傳令上方之約與豹孫過景啓齋

頭小酌尋訪青樓張士倩和豹孫

靜香閣贈豹孫

送吳侯傅明府入計 至松陵似徐明府善長

舟夜

沈虞部少卿新築高齋詩以落成之

送陸君策赴春官 送孫簿擢丞連江赴任

登董孝子母墓

鄞侯楊公入計還邑敬賦此首

代贈

陪宋初暘胡安父集范司馬別墅十洲閣

送俞士行將軍赴闕 送胡安父歸雲間

豐對樓詩選卷第三十三

甬句東沈明臣嘉則父著

從子沈九疇箕仲氏選

七言律詩

聞馮子喬訃哭之

馮郎最是野王賢把臂林中三十年長缺空留詩社
裏于思不復酒人前移家極浦無隣並臥病荒山少
藥錢二子即今何所似哭君唯有淚如泉

輓錢內君陸媛

玉樹凋殘一夜霜博山鑪冷鏡無光寶釵鳳落黃金

豐堊樓詩選 卷三十一
色錦瑟塵埋白鴈行何獨安仁能作誅曾教奉倩不
神傷蓬萊只尺誰堪幻靈夢臺空枉斷腸

七夕阻風泖浦東長卿明府開之吉士

此夕明河爛不收相逢猶自隔南樓花邊靈鵲迷橋
影水上孤查帶石尤微雨凌空仙珮濕纖雲約月鳳
簫愁北門學士誰為賦千古令人恨未休

再贈長卿明府

日朗天青意自如三年不見此躊躇貌同潘岳能為
政才似長卿善著書銀漢玉繩低嘯味崑崙滄海落
衣裾共憐此夕為何夕綠水芙蓉入綺疏

值穎上遲茂弘秀才

相逢一飲玉為缸落落長松滿客窓下蔡佳人驚絕
代中都名士本無雙太阿不掩千秋色大纛高懸七
寶幢此夜正當明月好可堪風雨別秋江

同劉侍御子威汎湖登吳山

午汎蘭橈秋氣濃相携江上采芙蓉波光半入吳山
樹暝色全收古寺鐘客度洞簫風乍急香銷叢桂月
初溶竹枝低唱劉郎曲縹緲雲橫隔岸峰

海曙樓為潘伯子伯明侍御題

飛甍高棟接扶桑大海平分曙色蒼手撫蓬萊黃鳥

豐壘詩選 卷三十三
下身凭日月翠微長三吳水陸調珍鼎八座風雲
玉觴名世即今推萬石繡衣花下領趨踟

贈顧符卿

水部才名海內傳又司玉璽聖人前歸來已拜三朝
命老去初逢七十年業擅青雲傳世世人看紫氣平
仙仙武陵一片桃花水流出春溪直接天

過露香園即事

辟疆園控古江東幾度登臨興不窮高竹長楊秋色
裡瑤臺瓊館玉壺中香流翠嶺千巖露暖醉桃花十
月風解道芙蓉能勸客滿溪都向酒邊紅

燕秦侍御少悅宅

折簡清霜邀野客華堂秋日起春風烏啼樹裡猶疑
柏馬立花前尚似驄鸚武近侵綈帶綠珊瑚遙映妓
釵紅醉歸忘却城南路恨不留髡燭影中

賦得歸雁留別屠青浦

蕭蕭旅雁傍仙鳧忽向南天指故都雲闊數聲凌浦
澗霜高片影入菰蒲江帆帶月冰花落雨蓋穿林風
葉無到日長沙棲更穩也應飛夢繞東吳

谷彭欽之見訪青浦署中之作內有青山不改
暮烟平句余愛之故落語及此

豐樂堂詩選 卷三十三
報君昨夜入菰城海國秋高紫氣生玉樹乍疑爭月
色劍光先欲射霜明公孫吾自憐王粲處士何人薦
禰衡却笑野人才力薄祇傳佳句暮烟平

冬日集范太僕于中嘯園同龔給事善父方山
人同叔馮山人子潛張比部谷吹陳太史伯
求盛吏部明輔王山人世周分寒字

海國名園路幾盤青山數頃白雲寬魚沉綠水空陂
靜風入長林萬木寒嵇阮固應踈禮法亭臺到處足
盤桓蒼茫落日唯長嘯醉倚江樓得大觀

和范太僕冠字

坐暖山堂香霧漫小風吹雨不生寒雲間名士多金
紫海內詞人半穉冠謝傳賭碁催夜燭嵇生貰酒簇
春盤憐予白髮仍多病不飲難成主客歡

和龔給事章字

青樽白首共尚羊各道神交三十霜詞社競傳新賦
草士林猶誦舊彈章海雲片片連秋樹江雨霏霏帶
夕陽揔道送歸還欲住不知鴻雁盡南翔

和袁長史花字

君真四世五侯家踪跡年來遍海涯東土暫歸應理
釣西湖長去為餐霞一官飄泊同秋葉萬事蒼茫付

曹學士詩選 卷三十三 四
落花按劍相逢多感慨每因風物嘆搏沙

和陳太史秋字

獨憐太史舊風流曾醉西隣八詠樓借問長安霜欲
曙何如大海月全秋雲間對日非鳴鶴天上占星是
太丘我已白頭君正黑不妨同作子長遊

和張比部才字

京兆張郎本上才画眉曾使漢遮猜金聲賦擲天台
去画省香含雞舌來泖雨南侵內史宅海雲東盡野
王臺君家平子多愁思且覆燈前竹葉杯

和蔣生南字

蔣徑曾聞俯碧潭吳園霜老剩黃柑寒風隔障惟雲
母凍日生花有石楠秋盡關河留海曲夜深風雨夢
江南莫言去後嵇生懶老病題書摠不堪

集彭欽之齋中同袁履善徐長孺郁孟野分春
字

細雨微風朔氣新梅花欲盡未逢春山堂慣坐雕龍
客海國初歸獻璞人五色雲生青玉案九枝燈照白
綸巾深杯豈肯辭長夜洎滴其如老病身

喜莫廷韓歸自燕都分歸字

霜月高寒紫氣微故人下馬拂秋衣龍文解勒桃花

豐堂詩選 卷三十一 五
濕七首離裝赤電飛萬里風雲憐未達十年塵土憶
相違阿咸猶自留京國曾說因君有夢歸

贈沈穉休

兄弟通家三十年重來相見重相憐登樓看月還如
昔挾瑟聽詩不似前業有青雲當自取家留白雪信
誰傳東風燕子年年別握手江門歎惘然

贈夏有之秀才

長纓未挂切雲冠落落才名起藝壇實許傾都看衛
玠虛勞擲果向潘安孤舟野水曾三過白飯青菹可
共餐我欲贈君君莫笑漢臯游女珮聲寒

過訪姚成之適北赴南宮賦別

十年重過重含情正值夫君萬里行潮滿空江天欲
盡霜高古寺月全明羊裘不覺風前濕馬足應知雪
裏輕為待春來消息好手持三爵向燕傾

王世周以長篇見貽予讀之爽然自失不勝喜
矣會倉卒未及答聊短述見意

一片崑山萬仞青王郎盡得取山靈雄心直欲迴滄
海繡句真能壓洞遮鐵騎中原思戰鬪美人南國擅
娉婷投瓊報李非吾事白日因君醉不醒

雨集張比部谷吹山堂分江字

豐華言選 卷三十一 六
滄海茫茫繫短艫竹林注酒玉為缸口懸綺語垂銀
漢筆走天葩聚寶幢寒色九峰侵暮雨濤聲萬里瀉
秋江季鷹蚤有尊鱸興釣得霜鱗入饌雙

馮開之約遊湖上久之不至嘲之

輝輝寒日澹江城湖水無波鏡自明寂寞千峰邀雪
至蕭條萬木與天平高樓獨飽青山色曲徑閒隨白
鶴行出豈無車魚可食猶然彈鋏笑馮生

吳歸仲初鄭朗見過鄭朗復以詩來和之

歸來霏雪滿遙岑猶羨餓鳥返故林絕磴霜高蒼蘚
斷空江日落紫煙深報來鶴使同人面憶去鴻賓得

我心流水柴門今竟寂不妨飛鳥重相臨

庚辰元日試筆

溥靄浮陰巧弄晴四郊風物報昇平青山似黛描天
闊紫氣如城壓海明已辦辛盤供節叙更刪詩句理
閒情白頭未信春心減手折梅花傍水行

呂心文客舍晚集分花字

海上春風吹雪花它鄉故國揔誰家鮮雲乍合銀河
斷新月初臨寶樹斜病客祇緣司馬渴文人何用碧
雞誇孤舟明月空回首青草垂楊對白沙

贈汪參軍

參軍實有古人風浮世虛憐大夢中盤谷春雲歸李
愿鹿門秋色引龐公書藏副本丹霞洞藥採瑶華白
水宮相對無言成一笑起看遮樹發春紅

哭柴方伯有序

方伯以直道見出于時鐫官三級因賦詩慰
之居有頃遂爾捐館乃哭之并綴所慰詩于
後

忼憐科名二十年直躬三黜未須憐人生半百豈為
天君子令終何不全莽莽雲山皆厚地荒荒海日是
青天臨風詎洒無從淚幸不如弦死道邊

柴方伯以讒罷官賦此寄慰

元是長安一布衣即今初服返荆扉世途險阻唯蒼
莽吾道分明有是非東海絲繆堪作釣北山薇蕨可
充饑野人錯料乾坤事恍惚滄桑白日飛

范司馬宅賞花

花事今年獨較遲暮春闌檻始葳蕤自憐艷色欺頭
白莫使芳魂笑容疲酒入青山澆磊塊詩翻紅袖轉
參差休報夕陽高柳盡後堂應有夜珠奇

錢唐湖上值宣城沈君典

名落人間到處香相逢却在水雲鄉青山不作桃花

雨明月俱懸五色腸波上三千金
菡萏風前七十紫
鴛鴦
央敬亭西畔陵陽石好去高眠看夕陽

萬曆庚辰又四月四日宣城沈君典就李馮次
公及其子開之華亭莫廷韓崑山沈獻可集
屠長卿青浦署中分韻余得山字

人驚紫氣滿江關太史占星正斗間
此夜九峰開白
社不知何地有青山酒沉清漏銀河濕
謠送冷風玉
珊瑚不有王喬飛鳥在定知仙駕杳難攀

五日復同諸君汎舟青溪郭外沈莫二子辭去
復有彭生欽之徐生孟孺分遲字

繞郭蒹葭樹滿涯携舟引客坐空陂
高高白日紅雲
接渺渺青天碧浪吹鷗鷺幾行衝棹起芙蓉
九點入
簾遲使君口自呼田畯秧麥青黃正及時

秦侍御少悅當萬曆庚辰歲中秋日為六十旦
辰賦此賀之

桓驄行步古來工縱落泥塗氣自雄
長樂曉鐘清夢
裡秣陵春色大江東違心霜簡啜流輦側目風稜笑
禿翁百歲秋光明月好平分都在酒盃中

卧病呂園奪郭司馬舜舉見贈賦答

茂陵消渴廢長吟玉露金莖不可尋
深竹未能逃暑

曹聖相詩選 卷三十三 九
氣新詩真可濯煩襟手提如意譎三疊夢入高山抱
一棊自昔君家稱有道大夫身復許南金

奉贈舜舉司馬一首

司馬經年註六韜知君不自薄南曹名從蘭省郎官
起詩自雲中尉日高明月九霄雙鳳管太湖千頃一
魚舠騷壇大將堪旗鼓莫使秋風颯二毛

和荅新安詹孝廉東園見寄

新安江水憶同看碧樹青峰照影寒坐想故人風色
好寄來書札海雲寬釣垂獨繭詹何似雪和陽春郢
曲難今古交情天地在越人吾自晒雞壇

七月二十五夜雨作是年旱甚五月至是日始
小雨十八日乃白露節蓋四月閏故耳諺云

白露根白米穀難得

浙瀝淋漓復洒然夜深明燭坐無眠新波忽引三秋
候甘澤當先十日前山色入門青可染園蔬到眼綠
堪憐呼兒小酌因成醉覓紙題詩索和篇

王受吾從薊州還携戚將軍書至賦之

故人新自薊門歸作客何如丁令威漢郡北平稱絕
險將軍李廣號能飛漁陽東去無鞞鼓碣石南來有
釣磯傳得雙魚長咫讀相思剛道十年違

再過凌上卿有贈

十載相逢未白頭一官萬里蚤歸休
楚雲幻作巫陽夢蜀雪消為春水
流行路難過三峽險漁家傲入五
湖遊當年白社雖零落莫廢花前
舊酒甌

過雲隱菴訪魁上人

精舍香臺隱薜蘿竹林深間林
聲和長河流水當門住大野青
山隔岸多汲井煮茶生客到鳴
鐘分飯野僧過貫休共說師堪
儗詩法年來更若何

辛巳元日

元日陰陰晚更風四封無事八荒
同梅花落盡不堪

折柳眼看來殊未工翠霧漫山
愁病叟黑雲如海詫天公調元
黃閣應須在萬國春迴紫極中

二月作

黃昏風捲三更雪子夜寒生萬壑
冰殺氣固應收未盡春來無乃
太憑凌樓前紅日光須滿江上
青山勝果增野老無能歌帝德
祗憑擊壤荷豐登

恒寒

十月梅花豈應時春深桃李尚
空枝詩聞冬暖鴛鴦病令記春
寒水潦饑聖德如天那可指臣
心似水至今疑空將野老雙清
淚濕盡江雲飛去遲

訪開之拙園書其秋水亭

江園初就槿為籬最喜空亭秋水時聽雨閉門多種
竹翻經設榻半開池雲來簷下應三宿雀乳花間定
幾枝幽事閒心俱用拙不妨先被野鷗知

五柳莊為呂心文作

五株楊柳小成莊蘿薜無塵徑有香不用攢眉入蓮
社祇須伸足坐胡牀高松輕冒山雲白深竹斜流海
月蒼此日禦兒溪上水千秋人自比柴桑

友人有宦百粵而不歸者賦此傷之

百子烟霜未可論空將蘭芷憶湘沅斑來山竹愁蠻
雨落盡江花奈楚猿雲黑水深渾是瘴天荒月老不
招魂黃陵古廟知何處不乞千秋帝子恩

送高象南太守赴慶遠

五馬翩翩萬里行蒼梧雲影逐帆輕數家蠻井依山
驛到處郵籤報水程八桂月明天共遠九嶷秋盡鴈
無情郡中開閣延高士荳蔻花邊幾送迎

水上聞琵琶

忽送琵琶水上聲聽來都是可憐情江州司馬腸應
斷塞北明妃淚自盈斜抱定當花作面緩彈須信玉
傾城隔簾何用虛相礙自笑雲間悞莫卿

豐聖樓詩選 卷三十三 一
夏日過錢功父其內子烹伏雌飯我因賦謝功
父亦自有作

匹馬相過白日前青山竹裏費炊烟烹雌享客過虞
媛貽璧投亡見嬾賢香沉紫蘭霏晝靄風迴寶瑟瀉
流泉夫君信是梁鴻輩庶下于今孰與傳

約新月時入山訪周公瑕會風雨且病不果

住向名山第幾重期君新月看長松奈何風雨時相
好况復支離病轉濃白馬礪前空落日青猿嶂裏自
踈鍾寄語晚雲休散盡當令一一捧芙蓉

與定光寺慈源林上人

慈源何日渡慈航寶筏玄津去渺茫折蒂自能凌弱
人生天何必定西方蓮花不染空中色貝葉頻翻靜
忙與汝相逢無一事趙州茶罷坐閒房

和傅吳縣伯俊示顧尉董園之作

高為陵阜下為池要使雲霞到處宜草長莫教侵鶴
徑月明須放過松枝彈琴流水將無倦退食青山共
委蛇寄語南昌梅尉道忘機先自白鷗知

寄題太山孔子登臨處

岱嶽曾聞大聖游登臨遙憶五雲流東西南北山河
盡今古乾坤杖屨收白馬吳門驚匹練滄溟日觀等

豐華樓詩選 卷三十三 十三
浮漚固知封禪傳來久風雨秦皇不可留

秋夜述懷同伯俊

萬里江湖照白頭敢將身世混沉浮空憐日月隨鳩
杖已信乾坤落釣舟猿鶴未逢蓬島夕芙蓉先采洞
連秋無端欲下憂時淚天畔常登王粲樓

寄壽四十二弟春江君六十生朝先重九一日

一尊常對菊花前不道重陽六十年報弟生辰迴皓
念兄歸日再華筵狂來借問春江色醉後還吟秋
八篇正使芙蓉開爛熳好將身上釣魚船

送顧益卿叅議分守温處

江閩甌括控風烟開府千峰萬壑前雲接鼎湖蓮墜
金山浮雁蕩水橫天旌旗畫卷紆嵐翠樓櫓秋高壓
喫莫道使君無一事謝池春草句常聯

輓左山先生

挾策干時昔已勞共憐白髮照青袍曾參却饋心無
愧原憲居貧道自高鄉里後生多避席冠裳先達半
同曹于今忽化遼陽鶴屋畔春山空碧桃

十四夜與傅侯傳園對月是日秋分

酒供月俸秫無田半郭砧聲茂苑邊九十日秋分此
夜三千里客共吳天偶逢拙政園初就况有閒居賦

可傳坐近芙蓉衣欲濕不知香露下尊前

辱鄧山人以滿城風雨近重陽為起句投贈仍
用奉答

滿城風雨近重陽萍水蘭橈客異鄉
鴈自滄江迷楚樹菊猶青蓋待吳霜
馬卿多病風流減阮籍踈狂禮數忘
幾度勞君相慰藉未能扶病一登堂

伯復從京師還被以儒官冠服相值無錫慧泉
之上因有此贈

汝讀書年少日笑予頭白老來時
相逢古路毘陵道共說新啣博士師
春髮欲絲堪戲綵秋光正好合

持卮世間萬事唯空得試問吾身却是誰

暇日東窓友華氏德卿何氏仁里

火螢窓五十年白頭俱困一青氈
請看逝水終歸海自咲浮雲不滿天
鄉井依然棄梓綠詩書莫廢子孫傳
共將老眼兼蓬髮擊取朝霞與暮煙

竹茶鑪詩追和王舍人孟端韻

紫竹茶鑪古寺幽事傳前輩摠風流
掃花苔徑僧歸候煮月松堂鶴避秋
白石生風春碣落碧天無雨暮雲稠
惠泉顧渚時相併似有仙人縮兩州

冬日箕仲初還承汪長文李之文之抑葉虞叔

携尊見訪作

汝本通家累世聞
入林把臂許論文
滿堂客闕仍今雨
載酒人來似子雲
莫道出山為小草
共憐野鶴在雞群
請看遮際紛紛月
中夜梅花可贈君

辛巳臘月二十四日李賓父續婚劉氏蓋三娶
矣因賦此詩寄之

画燭雙開出艷妝
宮梅輕點額前黃
佳期取巧宜今臘
色偷春滿洞房
少室兩徵來李渤
天台三度到玄郎
問君何以延清賞
寶瑟瑤琴起鳳皇

擬應制題玄兔圖

欲藏三窟墨花香
誰寫秋毫入建章
幾向天邊竊靈似
從月裡搗玄霜
丹眸迥射瓊樓夜
異質寒生水涼
聖主無為能守黑
願憑毛穎頌無疆

楊侯枉臨不敢報謁賦此申謝

自甘貧賤一丘樊
聖世無為只閉門
名豈任棠堪命駕
道非干木敢踰垣
也知林鳥驚飛蓋
信有江花送去轅
明日琴臺何處所
青雲天上本難援

會稽陶比部懋中見訪有贈時從補陀洛迦山
來

夫君磊落自雄風
夜半仙舟過剡東
滄海波濤眉睫

豐登樓詩選 卷三十三 十六
外會稽春色笑談中十年抗疏空留草萬里之官任
轉蓬世上蛾眉誰不妬看花休入細腰宮

歛汪仲淹與從子象先東陽方翁恬訪余叔姪
雨過有作

春深風雨欲彌天報道江門泊酒船尋我竹林先向
籍賭君家墅復携玄蓮花半落青枝濕野竹全低綠
水連醉罷方千詢舊島出山西指白雲前

李臨淮守備留都奉寄

帝臨淮壘戰濃西平王自李唐封指揮天地風雲
異帶礪山河楚漢重鎖鑰南憑大司馬旌旗東殿左

青龍莫愁湖上清秋色緩帶登臨幾客從

朱建陽席上感賦用來韻

遊司馬擲文園狂客相過但小言城日移時歆錦
席江花無語送歸轍悲歌楚澤蛇當道嘆息秋風鶴
在軒曾說昔人深避去漁郎回首閉桃源

送徐孟孺應金陵秋賦

片帆西去五雲飛春水如天沒釣磯十里芳洲迷白
鷺幾家新燕認烏衣桃花媚客歌歌扇芳桂留人敞
玉扉月色清溪秋夜永馬蹄輕踏翠香歸

顧汝脩鴻臚請改畱都復得與告乃今蕭然林

竚自謂聖恩浩蕩報稱未能因有此贈

班聯玉筍肅千官近識天顏萬國歡
三殿花香衣慣染六朝秋色眼常看
江湖歸去恩波闊麟鳳長遊帝網寬
白首丹心知更切不言行路古來難

寄友人為園

知汝為園谷水湄青山滿榻白雲帷
先開大藏延高座隨授丹經拜鍊師
山鳥買來名吐綬海棠種出號絲別
將幾臘東風換可寄梅花雪後枝

赴傅伯俊約用其喜予再過韻

綠酒紅亭別使君夢魂常到五湖濱
匣中劍氣蓮花動江上琴聲白雪聞
豐草未安麋鹿性青雲却戀鳳
群不辭苦涉風塵地敢負當時手重分

輓王玉田徵君

仙人種玉不歸來瑤草瓊芝滿地哀
似向金蓮生淨土定依玄鶴駐蓬萊
日斜閒館歆紅藥雨滑空階剩綠苔
最恨東風無可託年年只報杜鵑開

傅大夫種栢篇

傳園新築小池清四柏森森種已成
邑本萬年吳茂苑令傳千載傅聊城
香心到土風烟結翠色磨空日月平
自昔錦官祠廟裡孔明猶借少陵行

豐業樓詩選 卷三十三 七月十七夜金昌沆月與伯俊明府聯句是夕

望

蘭舟暮出闔廬城

伯俊

斷續菱譚子夜聲遠水欲吞

天半濕

嘉則

輕雲不碍月全明風塵顧我元無恙

伯俊

江海於君似有情一笑揔揅沉醉去

嘉則

白鷗相信

未須盟

訪王沆州玄靜用壁間傅明府韻

曾來往越溪莊今始登君舊草堂名父當年稱國
幽人昔日是仙郎滄波繞宅應千頃夏木成林欲
萬章案有圖書尊有酒三更月出尚傳觴

天池山似毛豹孫

徑逶迤入墓田滿山蒼翠不分天僧寮曉葉青猶
道院秋花紅欲然大藏有經間寶樹六時無漏渴
金蓮小毛公是祇陀主布地開林憶汝先

九月八日值歸安吳允兆即將去歸贈別

十年今始識通家偶共吳門問菊花座上臨風歌玉
樹山中他日想青霞不緣多病傷秋色祇憶孤舟去
水涯明日重陽何處酒白鷗紅葉對晴沙

九日風雨沆舟

不因風雨負重陽遙指青山說上方烏夜啼時邀白

豐登樓詩選 卷三十一 十九
鵲采蓮聲裡度橫塘芙蓉水闊鷗仍待楊柳村深菊
自黃細看茱萸須盡醉明年何處共尚羊

九日風雨阻傳令上方之約與豹孫過景啓齋
頭小酌尋訪青樓張士倩和豹孫

上方風雨阻重陽彭澤門深柳葉黃江上芙蓉空自
好山中叢菊不生香萸杯別有持螯處花底因逢蹴
鞠場佳節竟隨萍水散病懷羈思兩茫茫

靜香閣贈豹孫

樓絕壑像蓬萊日動山窓翡翠開坐聽梧桐秋子
落臥深鐘磬晚風回說詩匡鼎憐予似作賦楊雄讓

汝才願借伯通廡下住未曾携得孟光來

送吳侯傳明府入計

侯東面領吳偏萬里風雲尺五天禹貢維揚輸橘
柚堯封震澤殿山川波臣儼自持龍節宮女行將劈
鳳箋得賜璽書歸闕下紫泥猶濕上方煙

至松陵似徐明府善長

日高江縣未休衙水國蒹葭似若邪綠柳城邊朝放
鶴青山湖上晚歸鴉春風單父猶傳調秋色河陽不
斷花萸向使君誇政美請看隨地是桑麻

舟夜

豐華詩選 卷三十三 二十
獨夜孤燈照水汽空江一繫廿年舟不堪澤國聞砧
地忍及霜鴻臥病秋細雨正懸黃菊淚長天不盡白
雲愁昨逢杯酒辭涓滴潦倒翻憐作浪遊

沈虞部少卿新築高齋詩以落成之

江上新成一畝宮春雲千頃太湖東青山曉動牙籤
色白雪寒飛蕙帳風客到竹間閒對局鳥穿花裡盡
開籠尚書故有郊居賦漫和前溪曲又工

送陸君策赴春官

歷江干指翠微一罇相送出漁磯已知標格如潘
岳不但文章似陸機坐見杏花迎馬首行將柳汁染

君衣它年莫忘臨岐語昨夢雙龍夾日飛

送孫簿擢丞連江赴任

轅無計留孫楚越水聞山路幾重稍喜官曹離止
棘共憐公事在哦松接天仙嶺經三石破峽灘聲避
九龍黃綬不輕休自薄訟庭高樹落青榕

登董孝子母墓

孝子將親葬草萊空山流水恨難裁乾坤有字題華
表日月無情照夜臺吐出春雲遺骨盡蝕殘陰蘚便
房開卷臨客共生悲慨敬取椒漿酌一杯

鄞侯楊公入計還邑敬賦此首

豐登樓詩選 卷三十三 三
龍節朝天萬里歸五雲猶傍海東飛柳枝彭澤風前
綠花色河陽雨後肥郭裡夜深湖月白江頭日出戍
烟稀只疑內召騎驄馬借寇無能謁帝扉

代贈

計吏長安推第一神君東海號無雙仙鳧萬里同春
燕馴雉千村息夜猶白水有花江作練青山無鎖石
為窓請看即日如龍起為雨為雲渥舊邦

陪宋初暘胡安父集范司馬別墅十洲閣

洲高閣紫煙中城郭山川宛委東九曲朱闌花外
雨千章綠樹晚來風歌聞欸乃漁舟聚望入蒹葭水

驛通蕩槩百壺能取酒罰詩金谷未教同

送俞士行將軍赴闕

來射虎南山下此去從龍北極邊功在宣房沉璧
馬名留瀚海勒燕然即看金印懸如斗賜出彤弓欲
上弦願借淮南春草色送君旗鼓沸樓船

送胡安父歸雲間

知君作客倦東遊買棹西歸古渡頭入海曾窺橫馬
乳登山先看小龍湫布帆出浦沾梅雨行李還家過
麥秋峰泖前頭多少路綠波如鏡白雲流

豐對樓詩選卷第三十三

豐對樓詩選目錄卷第三十四

七言律詩

聞雲間顧光祿汝由訃詩以哭之

鮑生以歌妓四絃換崔生紫叱撥

偶登越山高處作

題張秀才盍中碧荷 九日與亮公登江城

荅傅明府伯俊九日見懷之作兼柬陳山人東

父

得襄國左史周象賢書荅之

垂虹橋步月遲余水部君房屠比部田叔家屯

部長孺不至

乞沈商城泉水

贈申秀才子良

懷周叔宗客白下未還

鄔汝翼將由豫章入楚先過吳江訪予北寺賦

別依韻送之

暇日承天寺遊覽有序

黃牡丹

沈北部純父以劾江陵流戍電白遇赦放還即
擢尚壘郎賜環之日士人鼓舞因擬粵中諸
君子勸駕速為北征之作

施陽生錢功父各携酒過存重雲寺僧舍同王

和仲及沈高張王四子分殘字

顧始餘從湖濱入城見訪賦此酬之

十三日阻風平江之上不得赴沈常熟應宿觀

燈之約賦此呈之

重過度城追憶與朱邦憲馮子喬顧汝由姚如

晦同行時已二十七年于茲矣諸公今皆不

祿不能無山陽之感遂有此作

題藤溪別業

春日登常熟縣興福寺浮屠

訪王幻真作

崇明何使君將上六載考績牘友人沈明臣為是詩以勞焉

沈使君應宿招同徐茂吳飲來雲閣同用雲字
夏日同徐茂吳集藤溪別業得虞字

宛委齋詩為陳使君立父賦

建德道中

過淳安懷舊令鄭君亮今丞樂平郡

過王潭不及訪王仲房寄懷一首

訪劉饒州應遷

旅楚

客寓禪寺承莊太傅枉臨復枉佳什次韻奉

劉饒州約赴芝山未果移席永福寺佛殿作

飲趙內史官署同莊相國葉國賓葉文學

浮州寺作

景德鎮

徵君

為郭次父追和沈啓南氏紅牡丹韻有序

為伯玉題劉阮入天台圖

寄題沔陽陳玉叔家之市隱園

除夕汪司馬携酒過斗下居郭仙翁出芝饌守

歲因懷社宰龍君

上九日庚堂夜集分青字

燈夕集龍司理衙齋懷汪司馬從禪誦中病卧
斗山城閣分橋字

署中三疊前韻

十七夜龍使君署中言別作此兼呈汪伯玉
道出百花臺同郭次父懷龍君善蓋君善先半
日行從此赴旁郡爾

寄送金陵教坊名姬楊六為尼

谷畢翁未見贈

伯玉司馬招遊歙城過其桃源塢別業聊短述

過釣臺投詩子陵祠下

富陽早發

江上遇友人過蘭溪因托附書抵方翁恬賦此
為囑

五月十三日始得屠長卿十一月十七日書書

云守凍埃冰泮始歸至今未到賦此遲之

挽業師景周何先生 睡起遣興

五月二十四日淫潦中偶披四月二十四日邸
報云皇上徒步出天壇禱雨百官俱從行是
後無北來信蓋西北以旱告矣而吾東南又

豐登詩選 卷三十四 四
日在巨浸中禾苗俱殺恐終無歲人事無所
垂戾而天道若此豈堯湯旱潦數所莫逃歟
因作白頭哀一首書上郡太守蔡公縉紳先
生范司馬爰作後圖庶荒政無缺云耳

懷寄呂中父金鵝閣中

謝中父賦寄豐對樓詩

再懷寄中父一首

得比部家兄書云京師十月無雨萬姓皇皇聖
上布衣草履躬率百官步走天壇祈雨未應
因賦此首寄示肩吾少宰及諸從子

北風

卷三十四 四

去年秋從高生寄南虞部歐楨伯書附有南海
釣客篇送其致仕歸百粵而今年秋始得其
報書不言有前篇而云足下獨少羅浮歸客
詩送予還似不得前篇矣因為再賦此首覓
便寄之且也有附吊黎大叅惟敬詩書中俱
無一字及想必為殷洪喬矣然高生亦客死
於南昌無從問故而書到詩不到此又何說

邪

海雨

鑑湖詩為戴惟遠賦

越王城作有序

江上送蔣秀才仲言還鄞

陳司理立父以舟車送遊蘭亭同行者郡人黃
孝廉霖伯諸文學子學劉文學仲簡其子汝
陽是日也江天欲雪微雨濕衣亦自竒絕聊

短述

連下玉蘭盛開喜值封君兄稷丘公箕仲按察
將書錦東還賦此遲之癸未春還時亦值滿
放今四年矣因感今昔流光荏苒白頭兄弟
相聚為難

去家三十里而近者它山也其泉從四明山中
來其冽不讓惠泉用以前茶吾郡當稱第一
間居令家僮以船載之家僮乃以贗水應戲
作一首

喜張孺覺擢高州太守乃楚人吳明卿所舊治
賦此送之

四月望後始得朱溪新茗因分貽鄭朗系以長
律

寄華容孫兆孺

七夕雨集張太學虞仲方池館同其叔姪群從

丙戌九日作

益城學悅支兩枉新詩俱未和荅賦此寄之

贈姚清之秀才

秋晝日過越泊舟鑑上未及奉謁蕭郡公陳司

理賦呈此首

華萃篇為李玄白作有序

贈鄉人馮君化中

聞張孟彪新襲昭勇將軍之爵賦寄

過訪少室王元方值其生朝席上口占為壽

至日宴王元方大雅堂即事

王孝廉益謙濯龍園作

此溪即事

由上興埠陸行至溧水縣道中即事有序

訪贈鄭民部君亮先生

莊太傅趙少傅葉秀才登周儀正種芝樓即事

豐對樓詩選卷第三十四

甬句東沈明臣嘉則父著

從子沈九疇箕仲氏選

七言律詩

聞雲間顧光祿汝由訃詩以哭之

卅載三朝侍從臣
木天常得捧絲綸
歸來夢裡猶瞻
袞老去山中喜
乞身忽報夢雞
逢惡歲獨憐
吊鶴是佳賓
不禁數下雲
間淚照見斜
陽濕滿巾

鮑生以謫妓四絃換崔生紫叱撥

願以傾城絕代人
換君超影絕飛
塵舊恩莫灑
金屏

豐樂堂詩選 卷三十四
淚別路長驕玉勒春塞上風雲堪獨往鏡前粉黛且
重勻少年場裏風流事一笑青天岸角巾

偶登越山高處作

越王崢嶸畔俯人寰萬壑千峰指顧間今古風流南鎮
在東南日月會稽還青天似蓋斜欹海綠水如鈎曲
帶山慷慨憑誰沽一醉放謫天上白雲間

題張秀才盞中碧荷

張家盆沼碧荷芳荷葉荷花一樣妝開處霓裳仙欲
舞落時淨土佛登場看來月下空還色坐近風前冷
自香我本青蓮舊居士為君三味水雲長

九日與亮公登江城

江城獨與亮公行絕勝登高弄玉觥方塔白雲連樹
起太湖落日與人平空青淡抹西山色寶殿雄披北
寺名滿郭芙蓉秋正好客愁忽傍暮砧生

荅傅明府伯俊九日見懷之作兼柬陳山人東

父

登高能賦大夫才况復湖山浩蕩開席上青天平似
掌鏡中螺黛小如杯同心共得重陽句異賞殊非風
雨催寄與孟公須縱飲豈因投轄坐吳臺

得襄國左史周象賢書荅之

豐堊樓詩選 卷三十四 二
十年兩得故人書報答無因恨索居夢澤雲開春有
鴈越江天冷凍無魚羊公石上青苔剝賈傅祠前黃
葉疎朝罷楚王何所事不妨取酒酌三閭

垂虹橋步月遲余水部君房屠比部田叔家屯

部長孺不至

垂虹綠波吹客涼清宵起踏明月光寒星欲墮憐秋
濕飛鳥不度愁天長萬里空明接遠曙半江白露生
古香蓼花蘊葉足悲思美人不來空斷腸

乞沈商城泉水

山翁爛醉似逃禪渴飲遙思玉井泉乞取磁甌煎月

下好分銀甕到花前青雲濕處獠奴引翠巘飛來乳
竇穿惠麓堯峰俱莫問結成居士宰官緣

贈申秀才子良

申生真以玉爲林年過潘郎髮未侵十二天閑推上
駟三千寶鑛定南金風高雲斷松陵闊日落波寒震
澤深相對一尊何所作爲君題竹滿湘陰

懷周叔宗客白下未還

經年不見倍思君江水寒深落月紛霜氣近銷吳苑
樹鴈行遙斷秣陵雲王孫歸路愁邊問詞客悲謔醉
裏聞昨過周顒鎖空宅恐令舉口誦遺文

豐堂樓言邊 卷三十四
鄔汝翼將由豫章入楚先過吳江訪予北寺賦

別依韻送之

聞君蚤製芰荷裳莫問天涯幾度霜入楚非關投大
國去吳何用說離鄉春風倚棹歌三婦落日登樓諷
九章別我禪堂無長語不禁飛夢到三湘

暇日承天寺遊覽有序

承天寺故名重雲寺梁時陸僧瓚故宅因睹
重雲之祥故舍爲寺而名蓋本此云中誤書
爲重玄遂因之而承天之額未知何時所改
韋蘇州登閣詩云始見吳都大千里鬱蒼蒼

山川表明麗湖海吞大荒其景可知其趾廣
五百畝云寺前兩阜乃吳王闔廬愛姬學兵
法為隊長而笑乃為孫武子所斬者墓也東
北隅小池尚錦帆涇故水又為偽吳張士誠
所浴云

重雲古殿接青天大劫難逃廢幾年景在常蘇州句
裏名從梁武帝之前愛姬一笑留雙塚吳沼千秋尚
片泉暇日登臨回白首蒼茫江海五湖煙

黃牡丹

天上何人幻此花風流獨擅似姚家御袍脫下輕相

染新柳嬌來淺欲加衛女綠衣翻裏着阿嬌金屋向
人誇洛陽無奈狂風起惱殺黃雲逐亂沙

沈比部純父以劾江陵流戍電白遇赦放還即
擢尚璽郎賜環之日士人鼓舞因擬粵中諸
君子勸駕速為北征之作

一朝雷雨滌荒陬浩蕩息波萬里流合浦珠收逐客
淚尚方劍屬佞臣頭天降紫泥先尚璽跼經黃鶴莫
登樓蒼梧雲影遙相送江漢風平急放舟

施陽生錢功父各携酒過存重雲寺僧舍同王
和仲及沈高張王四子分殘字

凍折關河白日寒故人携酒佐清歡四天寥廓飛雲
斷萬樹蒼茫落照殘露氣細生衰草上煙光遙接大
江千廢興今古尋常事公等無勞發浩嘆

顧始餘從湖濱入城見訪賦此酬之

洒洒鬚眉絕世塵相逢宛似武陵人讀書日閉梅花
屋渡客時通碧水津尋我特來過古寺報君不敢負
青春寄聲湖上群鷗道莫悵東風長綠蘋

十三日阻風平江之上不得赴沈常熟應宿觀
燈之約賦此呈之

空江白日自淹留滿棹春風帶石尤元夕絳霄空火

豐壘村言選 卷三十四 五
樹美人明月隔朱樓千條柳色青天外幾片梅花玉
笛愁何物公然欺老眼碧雲東去水西流

重過度城追憶與朱邦憲馮子喬顧汝由姚如
晦同行時已二十七年于茲矣諸公今皆不
祿不能無山陽之感遂有此作

客路仍來過度城卅年朋舊盡凋零春風幾綠王孫
草白鳥猶窺杜若汀交道豈容生者缺此心常與故
人銘帆前正是相思地遙見青天一草亭

題滕溪別業

虞山欲盡未盡處却引青溪開草堂澗壑逶迤穿石
戶雲霞早晚住花房非僧鱗鳥分齋供似客耕樵供
酒漿我到看梅還信宿高風因汝竹林長

春日登常熟縣興福寺浮屠

絳塔瑤空半與齊拂衣猶自上丹梯茫茫春色先回
草澹澹烟光欲濕溪大海東連風雨近虞山北立画
屏低千甍萬瓦浮雙足決眚青天越國西

訪王幻真作

共說西天深復深偶從雲樹覓慈林前生緣在應非
淺方便門開不用尋一點慧燈空裡火數聲清磬妙
中音座間現出蓮花相正是青青不染心

東晉書本言選 卷三十四 六
崇明何使君將上六載考績牘友人沈明臣為
是詩以勞焉

百雉蒼茫烟雨東三神山近號龍宮波濤直混乾坤
外吳楚微分浩蕩中海日易昏茆屋冷江雲不斷戍
樓空孤臣何處堪回首六載惟將砥柱功

沈使君應宿招同徐茂吳飲來雲閣同用雲字
忽驚春盡又逢君卓蓋邀歡意獨勤榻下南州徐孺
子樓高八咏沈休文天青湖面驕晴日樹綠山腰截
暮雲徙倚雕闌歌自放長風直欲起鷗群

夏日同徐茂吳集藤溪別業得虞字

一路看山到海虞藤溪窈窕足踟躕青峰三面迴楊
子碧水千條引具區遊女乍逢遺芍藥王孫作伴采
靡蕪相歡尊酒休相勸明歲還來聽鷓鴣

宛委齋詩為陳使君立父賦

宛委青山不可尋玉書金簡閱瑤岑玄圭舊壤風雲
變窳石空陵日月深江海萬年流不極衣冠何地儼
初臨郡齋大酉唯相似白日琳琅許自吟

建德道中

建德千峰落眼前何論鳥道上青天瀨呈亂石森如
戟山東高江急似弦帆頂矗雲秋色破篙痕點雪浪

豐樂堂詩選 卷三十四 七
花圓不如黃帽為漁父夷險都忘只扣舷

過淳安懷舊令鄭君亮今丞樂平郡

萬里蒼梧憶故人十年牢落一官貧經過舊邑思黃
霸半刺新邦是九真幾樹棠梨秋岍紫八株古桂夜
郎春聯翩鴈影曾南去一字無聞獨愴神

過王潭不及訪王仲房寄懷一首

烟村渡口故人家紅樹高林宛似花不是尋真遊五
嶽定應伏火煉丹砂輞川昔到如摩詰沈約重過似
若邪一水盈盈空在望最憐容易夕陽斜

訪劉饒州應遷

楚雲西畔漢江東為政風流有次公番水浮天開曉
鏡芝山帶郭映春宮詞人盡欲依劉表國士何慙拜
孔融借問功曹誰第一不妨坐詠二南風

旅楚

越客西遊心事違坐看寒日下僧扉五更衾薄知霜
重三月書遲覺雁稀秋草不因愁自改落紅真與淚
俱飛登樓四顧唯東注欲倚浮雲一片歸

客寓禪寺承莊太傅枉臨復枉佳什次韻奉荅
寒雲霜葉滿空林越客初來閉戶深車轍忽驚過長
者絲桐翻喜得知音調中白雪春將動階下青苔履

盡侵時暇便應相握手小山叢桂待高吟

劉饒州約赴芝山未果移席永福寺佛殿作

初地遙臨錦瑟隨芝山未許失前期日迴寶塔青霄
麗水落番江白鴈遲游客豈為蘇季子使君不減鄭
當時千秋罇俎論文地五馬干旌更屬誰

飲趙內史官署同莊相國葉國賓葉文學

趙相邀歡近臘時相逢不厭菊花遲閉門夜轄陳遵
飲滿局春聲太傅棋戚里千秋當鄭谷江城良月醉
南皮却緣舞袖長沙狹不得高陽倒接羅

浮州寺作

浮州小寺水之涯橋斷隄傾路復斜積瓦霜封殘柳
葉壞墻寒覆古藤花青林送客分三島白鳥窺僧聚
一沙萬室湖南烟水暮不知誰是叔倫家

景德鎮

萬室爲陶四海專荆雲東畔楚沙邊山煙盡黑春增
竈江火遙明夜聚船人雜五方多異語噐垂千古足
珍傳聖王所貴唯同物巧樣呈來特旨宣

徵君

徵君何處是行葢九曲青溪一草堂雲影弄山晴欲
濕波紋射日暗搖光山妻自煮青精飯仙客嘗携白

玉漿夢入羲皇醒起坐梅花吹落讀書牀

為郭次父追和沈啓南氏紅牡丹韻有序

吳門郭次父家故有紅牡丹一樹其大父時嘗盛花邀沈啓南共賞一夕不與而啓南詩焉居父之次父好出遊隱焦山偶歸而作兩花予時亦客吳門得共觀之次父云此花蓋十七年不作矣是實隆慶之六年三月某日也閱萬曆十有二年臘日值次父於新安出一赫號廼啓南氏紅牡丹詩也因索和遂為

捐管

曾見君家紅牡丹君歸亦作客中看柔枝空綠十七載驚嘆日斜猶倚闌葳蕤似剪錦繡段爛熳欲奪珊瑚盤千鍾酒盡不肯去猶道未足酬清歡

為伯玉題劉阮入天台圖

誰將綵筆画天台萬疊青山一徑開靈藥逢時雙采去胡麻何處一杯來玉人只在桃花上仙客猶迷碧水隈總是塵心除未得莫疑雲雨夢陽臺

寄題沔陽陳王叔家之市隱園

未到君家市隱園定知城郭似江村武陵源在通人境綠野堂開近國門雉堞春連三澁水鹿柴秋接五

豐堊樓詩選 卷三十四
華原見南閣上聞尤絕楚雪吳雲落酒罇

除夕汪司馬携酒過斗下居郭仙翁出芝饌守

歲因懷社宰龍君

歲除何處可沉冥客裡無如倒玉瓶司馬清罇春水
綠葛翁丹竈暮烟青百年勝事唯今日十里山城是
七星別有相思懸此夜九華峰下使車停

上九日庚堂夜集分青字

絳燭何堪照獨醒百年常欲赴沉冥天邊積雪千峰
白樓畔長庚一點青共道孤懸卿是月不妨雙指客
為星燈宵尚遠無由借火樹銀花預滿庭

燈夕集龍司理衙齋懷汪司馬從禪誦中病卧

斗山城閣分橋字

画堂燈影法星搖玉笛梅花滿院飄寶炬千行紛作
隊彩虹百尺駕為橋六時誰共蓮花漏五夜虛瞻北
斗杓只尺懷人真萬里月明空照可憐宵

署中三疊前韻

幻作蓬壺恍六鰲人間良夜說今宵使君信是光明
燭詞客都成白雪操皓月一遮臨翠栢春星萬點綴
烏聊天桃穠李紛相得不用銀河駕鵲橋

十七夜龍使君署中言別作此兼呈汪伯玉

豐登樓詩選 卷三十四
昨夜瑤天月闌花空漣又見玉輪斜山中古廟猶聞
笛郭裏殘燈尚幾家萬里雲霄君別去一篷煙雨我
歸賒最憐司馬成高卧不共罇前泛紫霞

道出百花臺同郭次父懷龍君善蓋君善先半

日行從此赴旁郡爾

使者乘軒出郡來鳴騶先過百花臺蓋飛曉嶂分青
靄馬踏春林破紫苔亦引澤車如後乘極憐彩筆似
僊才請看石壁千桃樹莫使歸遲空自開

寄送金陵教坊名姬楊六為尼

說法誰令善女聽愛河流盡碧波澄楊枝水定楊花
性桃葉人翻貝葉經却却金蓮僧足白剝來蟬鬢佛
頭青燈前參透長明火照見如來月半扃

答畢翁叔見贈

三讀新詩欲和難橫空但覺思漫漫大郭風雨青天
半東海波濤白日寒豈以紅顏嗟命薄不彈寶瑟怨
春殘為君拾翠過前浦獨立東風詠澤蘭

伯玉司馬招遊歛城過其桃源塢別業聊短述
嶺嶺山山揔是奇登臨無地不相宜龍迴鳳去城高
下淺綠深青谷蔽虧花裡春陰迷別塢日邊烟景豁
清池桃源洞口漁郎路它日重過信有期

豐登樓詩選 卷三十四
過釣臺投詩子陵祠下

萬尺長絲千尺竿
釣如新月餌如丸
真人虎旅歸黃屋
釣客羊裘理碧灘
九鼎誰教扶漢穩
一星天自點江寒
孤帆七里風來緩
水綠山青得細看

富陽早發

富陽縣前江水平
曉鐘未罷雞復鳴
帆檣亂發認風色
舟子偶語評陰晴
歸心日夜向東切
山勢吳越爭南行
但覺擾擾共奔走
誰肯獨卧滄洲清

江上遇友人過蘭溪因托附書抵方翁恬賦此為囑

桃花春過熟鱗魚
買酒因君一寄書
江漸依山分激水
潮將帶雨上桐廬
人須野鶴鷄群問
家自寒溪埠口居
舊說方千無別島
白雲隨地可躊躇

五月十三日始得屠長卿十一月十七日書書云守凍埃冰泮始歸至今未到賦此遲之

脫屣來歸江上村
青山無限白雲屯
杜陵男子宜初服
錦里先生具酒罇
梅雨歇時魚已過
颶風生處海將昏
他鄉縱好難留滯
稚子朝朝遣候門

挽業師景周何先生

授易摠衣五十年
青山一哭夕陽邊
螢乾案上全無

火草積牀頭半是玄居近後生多避諱當時同輩已
無前深慚赤也非無似不得題銘更惘然

睡起遣興

倦遊歸卧紫煙嶒何似相如在茂陵敢謂橐無封禪
草不妨社有白牛乘忘機老去成壤父省事年來號
髮僧紅日滿窓花滿地竹牀猶自擁青綾

五月二十四日淫潦中偶披四月二十四日邸
報云 皇上徒步出天壇禱雨百官俱從行
是後無北來信蓋西北以旱告矣而吾東南
又日在巨浸中禾苗俱殺恐終無歲人事無

所乖戾而天道若此豈堯湯旱潦數所莫逃
歟因作白頭哀一首書上郡太守蔡公縉紳
先生范司馬爰作後圖庶荒政無缺云耳

式歌且舞白頭哀颯颯悲風滿地來日月朗然千古
麗山河無恙大明開 聖人正切桑林禱海國翻逢
大水災百六數兼陽九會蒼蒼何以示靈臺

有懷寄呂中父金鷲閣中

青山西去金鷲閣碧水南來綠雨樓各自有人俱悵
望不能縮地與同遊夕陽片片花千塢明月盈盈錦
一洲勝事滿前誰可道祇將佳句逐時收

謝中父賦寄豐對樓詩

新詩滿束向予投字字宮商齒頰流却笑歌兒無錦
瑟祇能信口學吳謳自今君賦陽春曲從此人傳豐
對樓何日携琴來共宿閒看江上弄漁舟

再懷寄中父一首

平楚亭前二水分桃源斤嶺細流雲南行近郭須尋
我西去斜陽半憶君廿里青山江路隔千秋白雪郢
歌聞呂安命駕今能否自謂嵇生本一群

得比部家兄書云京師十月無雨萬姓皇皇

聖上布衣草履躬率百官步走天壇祈雨未

應因賦此首寄示肩吾少宰及諸從子

八行遠自燕都發字字開緘頌帝堯碣石宮雲驕白
日金莖掌露泣青霄天高未應桑林禱洛下誰成祝
令謠勞矣 聖躬毋使甚一元公等亟須調

北風

北風吹雪上松杉雁足南來墮一緘許衆莫言狂且
穉吳風元慣巧生謫幽人自縛松枝筆隱士須裁酷
酒衫十二樓頭無夢到題詩只在白雲崑

答肩吾少宰書

雨涼雲淨水如銀起傍江天訊白蘋新令秦關嚴遂

豐壘村詩選 卷三十四 三
客故鄉滄海慣垂綸鷗來草閣添詩伴燕去松堂缺
舞人知汝不忘吾老大又將風雪厭霜筠

去年秋從高生寄南虞部歐楨伯書附有南海
釣客篇送其致仕歸百粵而今年秋始得其
報書不言有前篇而云足下獨少羅浮歸客
詩送子還似不得前篇矣因為再賦此首覓
便寄之且也有附吊黎大叅惟敬詩書中俱
無一字及想必為殷洪喬矣然高生亦客死
於南昌無從問故而書到詩不到此又何說
邪

秦淮秋雨濕征衣遙送羅浮客子歸朱雀橋南車馬
散五羊城北鴈行稀淚如合浦珠相似人與梅花夢
不違前日寄來書幾札字應時向袖中微

海雨

海雨無端濕衆花野雲何意傍孤槎綢繆細問今何
夕邂逅深憐得子嗟花裏朱絃因共賞罇前明月又
堪賒無眠一再彈黃鵠不羨鴛央卧錦沙

鑑湖詩為戴惟遠賦

大越東南天地寬鑑湖三百里漫漫菱歌月白千聲
起玉笛龍聽萬壑寒春色謝家雙妓女風流賀監一

豐堊樓詩選 卷三十四 十一
黃冠即今刺得烟波在安道聞孫有釣竿

越王城作有序

余於乙酉九日為吳行途聞長卿是日當到家因留以待不果到遂發舟沿途無繇得信十二日夜過越城遂爾相失旦日至西陵始知其亦夜渡也悵然有作

越王城邊秋可憐芙蓉照水空相鮮前來舟楫杳不見後飛鴻雁何茫然心中所期交臂失天末誰將落夢邊躊躇手把黃菊嗅青沙白鳥雙翩翩

江上送蔣秀才仲言還鄞

道逢蔣詡來同舍竹下行吟非故鄉送汝讀書歸古寺待余吹笛據胡床梅花谷口遙相待柳眼湖頭細欲將明日挂帆須早去趁無風雪渡錢唐

陳司理立父以舟車送遊蘭亭同行者郡人黃

孝廉霖伯諸文學子學劉文學仲簡其子汝陽是日也江天欲雪微雨濕衣亦自奇絕聊

短述

舴艋先春泛若邪蘭亭南轉夕陽斜千峰欲雪天低水萬壑吞烟莽若沙故事永和傳勝賞重遊萬曆紀年華風流使者能招客遙遣山僧煮雀芽

豐登樓詩選 卷三十四 一七
連下玉蘭盛開喜值封君兄稷丘公箕仲按察
將畫錦東還賦此遲之癸未春還時亦值滿
放今四年矣因感今昔流光荏苒白頭兄弟
相聚為難

一樹瑤花開滿遲歸來正及此娉婷衆憐畫錦榮橋
梓獨喜春晴對脊令東海波恬頭共白南山石爛眼
俱青佳期却與風光會願得天公假百齡

去家三十里而近者它山也其泉從四明山中
來其冽不讓惠泉用以煎茶吾郡當稱第一
閒居令家僮以船載之家僮乃以贖水應戲

作一首

泉到它山百里長贖將沙港取來嘗煎茶羞作陸棄
芋品水難欺李贄皇若使阿獠終遠到始憐杜僕信
為良竹鑪活火空相待縱領松風願不償

喜張孺覺擢高州太守乃楚人吳明卿所舊治
賦此送之

幾年京兆張公子此日高州太守行瘴海邊頭天萬
里梅花嶺外月三更風迴水驛檣烏轉路入官橋竹
馬迎昔日吳公會臥治待君雙壁號連城

四月望後始得朱溪新茗因分貽鄭朗系以長

律

海國今年氣未融一春多雨病山農到來新茗時全
過分去餘甘手自封消渴最憐君臥久提携無奈使
難逢一盃乍許金莖露好挹天泉對古松

寄華容孫兆孺

息機今向漢陰還何用騎牛西出關霜滿咸陽鴻鵠
遠秋深漢苑白駒閒五噫歌罷春廡下四皓芝香奕
樹間雲白山青數千里思君不見水潺潺

七夕雨集張太學虞仲方池館同其叔姪群從
人間風雨妬明河天上佳期奈若何豈謂一年虛玉

帳故將雙淚濕金梭雲深烏鵲橋空鎖月冷蒼龍殿
不過此夕吾儕能痛飲較來唯有竹林多

丙戌九日作

江閣登臨興不稀每憐佳節事多違百年湖海頻為
客此日家鄉久正歸冒雨菊花開紫艷過隣濁酒濕
青衣詩成莫禁題糕字細看茱萸醉落暉

益城學悅支兩枉新詩俱未和荅賦此寄之

兩度詩來句揔嘉朗吟真覺墜天花袖中易得三年
減師處難將一字誇對月天高空法相沉湖秋盡憶
袈裟禪心江上青山似飛錫何年到洛伽

贈姚清之秀才

姚合才名自古今新詩聊一為君吟春風好送公車
對白日堪懸國士心龍角禹門分翠水馬蹄燕市踏
黃金勿云尚有垂綸者一臥滄江深復深

秋盡日過越泊舟鑑上未及奉謁蕭郡公陳司

理賦呈此首

茫茫禹甸九州通高閣岩堯鎮海東一曲剡侵狂客
觀千巖秋滿越王宮文章自昔歸蕭統風槩于今說
孟公彩筆懶干鈴閣下釣竿長繫鏡湖中

華華篇為李玄白作有序

李玄白秀才書堂前盆盎植蓮為玩一莖作
花花墜而房不作實乃復從房上並發三花
花瓣經月不墜但久之作稿耳玄白奇之命
為華華云蓋華華云者考之祥瑞圖云蓮之
異者為華華又搜神記云王者德至地則華
華感斯名實足當矣於是友人沈子聞而為
詩四韻亦命為華華篇云

青蓮盆沼淨紅妝天女裁葩迥不常三萼倒垂懸一
品衆花呈燦挺群芳英皇並麗生堯館劉阮雙來倚
洞房翻出李家新樂府華華千載號奇祥

贈鄉人馮君化中

傾蓋相逢意氣真十年南北倦風塵故非許史金張
客自是崑崙歷落人焚券古來傳下薛上書何必向
西秦為君一策安邊事畊牧須開塞北春

聞張孟彪新襲昭勇將軍之爵賦寄

從來不食五侯鯖聖主新恩帶礪盟萬戶日懸金鵲
印三千夜宿水犀兵周家孝友傳張仲漢代風雲薄
富平橫槊賦詩知不忝毛錐莫漫取時名

過訪少室王元方值其生朝席上口占為壽

汝本仙人嵩少間何年幻跡在塵寰林風遞響鳴三

籟海日如丹獻九還子晉吹笙來緱嶺王喬飛舄下
青山正逢千日長生酒笑指青牛此度關

至日宴王元方大雅堂即事

每憐長至客途遙風日晴暄愛此宵殘葉未銷江柳
翠寒香故著野梅驕太原竟作平原飲詞客翻歌狹
客謔醉逐舞筵朱履散一天雨洗凍痕消

王孝廉益謙濯龍園作

園中有池在九龍山下故名

峰壑逶迤徑路深濯龍名苑一登臨飛甍半挂青山
角翠水平開珠樹林巖底湫流鯨口散花間香氣麝
臍侵九峰嵐色時時見好入春雲遍作霖

此溪即事

從毘陵城東南去義興百里而遙者一溪甚
美予不知其名姑名曰此溪舟中無事綴詩
一首用以記行踪及歲月耳萬曆丙戌十一

月廿日

冬日暄暄出此溪南行不用問東西葦蕭霜後青黃
雜鴻鴈雲中斷續迷野老村村將背曝寒鳥樹樹棟
枝棲買田陽羨殊堪學種茗栽桑并養雞

由上興埠陸行至溧水縣道中即事有序

入金陵遵陸者由丹陽古道也由上興埠實

旁蹊僻踞耳車馬價甚高行於

由

古道丹陽此道旁偶然為客落他鄉千溝止水晴偏
綠幾片殘山冷自黃茆戶人家終日掩風塵車馬暫
時忙高陵深壑空鵝鴨樹影沉沉不受航

訪贈鄭民部君亮先生

共言公是鄭當時結客推賢不自竒百粵山川多宦
蹟兩都冠蓋重民司青溪画舫秋筵醉白社寒缸夜
語遲舊事揔憐饒歲月相逢猶未罄相思

莊太傅趙少傅葉秀才登周儀正種芝樓即事

雕梁東面俯梁園萬樹叢中奏管絃金谷人間空自
麗玉樓天上向誰懸莫言尊酒相逢易須信清時笑
語便坐重
枚都授簡相如不賦子虛篇

豐對樓詩選卷第三十四

